

三代實錄

二

天		
冊	冊	冊
二	〇	
學	縣	滋
校	中	賀

馬

Z14.3
73
Vol 7

日本三代實錄卷第三

起貞觀元年六月盡

左大臣從二位兼行左近衛大將臣藤原朝臣時正等奉勅撰

六月乙酉朔霖雨大水 二日丙戌正六位上秋

是王秋雄王良岡王三常王德成王無位廣貞王

廣益王廣梁王山村王高隅王清隅王十二人並

賜姓清原真人一品舍人親王六代之孫也 四

日戊子霖雨未霽賜京邑飢乏者 十一日乙未

月次神今食祭並於神祇官行事親王公卿奉會

司供事如常 廿二日丙午雷雨大風折木發

學校藏書



屋 廿三日丁未賜渤海國王勅書曰天皇敬明
 渤海國王書獻悉至披覽具之維王文武兼體忠
 孝由衷襲當國之猷敦親王之舊好傾心久契無
 踈就日之誠利涉長期不廢飛雲之嶮乃願深款
 何靡增懷先皇以去年八月昇遐遺詔不許奔赴
 朕以寡德荷託鳥圖奉先訓而聿脩舊記以自
 恤雖則會同之禮木喪無虧延止之朝春秋所美
 然而關庭過密事須隔於殷頓邦國頻災人有難
 於郵傳緣此慰籍傳者迨朝放還問紀如賒通情

猶通今因孝慎付送信物仍舊辨裝色自如別契
 剽王及所部平安好昆此遣書批無一二太政官
 送中其書省牒曰得中臺省牒備奉處分扶菜崇浪
 日域遐邦欲古風而挂席期限歲而寄寄迄一輕
 舟罕過凌雲之水奉方寸彌增披霧之情所以
 儼羊竟日天轉倖移想尋修之舊貫延周迴之星
 紀酌展親於石典遵繼好於前章馮事表情善隣
 寘禮戀懷轉切不待前期謹荒政堂省允允馬孝
 慎令親貴國者准狀牒上日本國太政官者謹錄

牒上謹牒者滄瀛不測義在含弘江漢可宗禮存
朝會駁奔惟遽來不及期有司執平而肯容待奉
勅孝慎等遠慕聲教凌展闕而頻來尋懷頓飯
辭龍鄉以存至忠節之効矜恤可量况魯日溪再朝
春秋無貳唯國有元喪奉屬荒侵將全舊儀何苦
黎庶宜殊加迎接權停入都所安存支賜准例復
言凶相問往迹可馮若意於吊來事須拘遺於制
徒煩舟楫將背朕規更待紀盈當表憐好右今因
綸旨檢校如常修船畢切風朝可暫墜書信物同

附使迴留彼篤誠放其暇去今以狀牒上至准狀
故牒東絕十五走綿四百屯賜大使馬孝慎到貢
土宜仍有此錫賚焉是日於東宮雅院始修法限
以十二月廿五日巳酉末章博士職由元給四
町今加二町廿九日癸丑賜大袂於朱雀門前
例也秋七月甲寅朔於右伏頭賜飲群臣四
日丁巳廣瀨龍田祭如常五日戊午大和國從
五位下氣吹雷神從五位下響雷神並列官社
七日庚申筑後國從四位下豐比咩神列於官社

陽坐志 去此四 字上下 恐有闕 漏出 雲國風 土記云 所造天 下大神 之御子 阿加志 夜努志 多位百 比骨命 親陽坐 去日女 命所陀 加六所 志多伎 吉日女 命也

十一日甲子出雲國從五位下伏陀神無位陽
坐志去日女命並授正五位下 十三日丙寅大
後於建禮門前以明日將發奉諸神社幣并財室
使也詔太政大臣祿法准左右大臣并停資人帶
刀等緣太政大臣抗表苦請也又諸國定額寺堂
塔破壞佛經曝露三綱檀越無心修理頃年水旱
不時疫癘間發靜言其由恐緣彼咎宜下知五畿
內七道諸國修理部內諸寺堂塔其料充寺家田
園地利若無田園者勘錄支度帳言上從四位上

行備前守藤原朝臣春津平春津者右大臣正二
位緒嗣朝臣之第二子也春津風姿美廉清警寬
雅天長初擢為左近衛將監七年遷皇太后宮大
進明年授從五位下兼近江權介數月授從五位
上兼和元年遷為備中權守久而為侍從九年進
正五位下俄而拜為右馬頭十年春父左大臣抗
表致仕其第三表以春津為使奉進內裏 勅曰
左丞相藤原朝臣緒嗣公先朝之元勳而朕之舊
德也近功成名遂老敏於第朕以儿杖禮優之不

敢負公之故也。右馬頭春津是公之存子，特授從四位下。以慰目前。嘉祥三年丁母憂，解職未幾，奪情起之。拜右兵衛督。仁壽初，遷刑部卿，兼但馬守。尋加從四位上，齊衡四年為但馬守，遷備前守。並不乏官。春津家世貴顯，生而富實，居處閨庭甚為鮮華。性寡嗜欲，不貪財利。唯馬是好，時人觀之，里第養調，不肯出仕。帝戲語左右曰：春津是南山之玄豹，豈卒時年五十二。十四日丁卯，遣使詣社奉神室幣帛，參議正四位下行左大辨兼左衛門

督美作守藤原朝臣氏宗，為賀茂御祖。別雷社使散位從五位下正峯王，為松尾社使。正五位下守右中辨兼式部少輔大枝朝臣音人為平野社使。從五位下主殿權助藤原朝臣水谷為大原野社使。右兵衛佐從五位下源朝臣至為乙訓社使。從五位下守兵庫頭藤原朝臣四時為大神社使。掃部頭從五位上藤原朝臣貞敏為石上社使。從四位下行兵部大輔藤原朝臣仲統為春日社使。從五位下守圖書頭當麻真人清雄為當麻社使。中

勢少輔從五位下源朝臣包為住吉社使散位從
五位下丹墀真人繩主為丹墀社使少納言兼侍
從從五位下良峯朝臣經世為社本社使神祇大
祐正六位上大中臣朝臣豐雄為氣比氣多兩社
使散位從五位下紀朝臣宗守為日前國懸兩社
使授平野正三位今木神從一位從四位上久度
神古開神並從三位正五位下合殿比咩神從四
位下 十九日壬申雷雨震內教坊柿樹 廿一
日甲戌存問兼領渤海客使直講菊田安雄復命

奏言客徒今月六日解纜飯蕃大內記安倍清行
去四月丁亥憂去職故安雄獨飯奏事依諫閣不
喚客徒自加賀國還蕃意 廿三日丙子以從五
位上守右少辨兼行中宮亮藤原朝臣家宗為修
理東大寺大佛長官 廿七日庚辰地震 廿八
日辛巳河內國言禾兩歧是月雅院櫻樹華京中
李樹皆華 八月甲申朔新鑄印一面賜美作國
以國司申請舊印文字鉅減不堪行用也 三日
丙戌大雨遣從五位下行備後權介藤原朝臣山

廣外從五位下行陰陽權助兼阴阳博士滋岳朝
臣川人等於大和国吉野郡高山令修祭礼董仲
舒祭法云螟螣賊害五穀之時於害食之州縣内
清淨處解之攘之故用此法前年命阴阳寮於城
北極岳修此祭今亦於此修之盖擇清淨之處
四日丁亥下野国言木連理七日庚寅屈請六
十僧於東宮轉讀大般若經限以三日八日辛
卯地震勅五畿七道諸国年貢御鷹一切停止
九日壬辰自五月至今月霖雨仍遣使者於大和

国册生河上兩師社奉幣青馬等祈以止雨也

十日癸巳尚侍從三位當麻真人浦虫薨時年八
十浦虫者右京人也父正六位上繼麻呂浦虫弘
仁七年任典殿十三年授從五位下未幾遷為掌
侍十四年授從五位上天長五年授正五位下為
卿侍九年授從四位下承和八年授從四位上嘉
祥三年授正四位下後年授從三位天安元年任
尚侍浦虫為人貞和早標美譽未嘗適於人遂不
知伉儷之道自掌官人之職能脩禁内之礼式

十二日乙未大風雨交接京師人居被風壞者多
 十三日丙申授和泉国從五位下聖神從四位
 下無位舊府神正五位下比賣神從五位上河内
 国無位飛鳥戸神正四位下正六位上若倭命
 若倭姬命並從五位下禁畿内畿外諸国司養鷹
 鷄 十六日己亥右京人散位從五位下高向朝
 臣公輔元名桑田麻呂而叙位告身注名公輔依
 公輔申請除籍帳桑田麻呂字 十七日庚子止
 野国正六位上倭文神列於官社 廿日癸卯授

上野国正六位上倭文神從五位下 廿一日田
 原皇太后屈請六十僧於雙立寺限五箇日講法
 華經奉為田邑天皇修周忌之齋也群臣一並齋
 悉參會 廿五日戊申出雲国俘囚正六位上吉
 祢侯黃海叙從五位下 廿七日庚戌於雙立寺
 修田邑天皇周忌御齋會親王公卿參集六部省
 點檢五位已上見參者 廿八日辛亥依十禪師
 傳燈大法師位惠亮表請始置延曆寺分度者二
 人其一為神賀神可試大安樂經加試法華經

金光明經一人為春日神可試維摩詰所說經加
試法華經金光明經表曰惠亮言皇覺導物且實
且權太士岳迹或王或神故聖王治國必賴神明
之冥助神道剪累只憑調御之慧又伏惟金輪陛
下乘六牙而降神遠九歲而登九五受佛付囑轉
大法輪法門餘慶還在干今欲可謂維摩不二之
典感演佛境不思之氣高貴四德之教寬談佛性
常住之旨並斯如來護國利人之門不可一度者
也是以惠亮等以去嘉祥三年八月五日陛下

在東宮日經啓所願已畢頃年殊垂恩感每降誕
日日度于八年伏冀天慈幸降息勅不改素願永
歲三月下旬於比叡山西塔室幢院將試度之然
後准弘仁十四年官符令受大戒其受戒之後依
冠飾式十二年不出山門一日不闕長講件經利
益名神奉護聖朝惠亮等師資相承此佛業盡未
來際擁護國家但件人等得業以後僧中諸事准
天台真言等宗一同用之然則開闢以來仙靈覺
性而遊妙覺我朝以後聖王進醍醐而保常樂非

金光明經一人為春日神可試維摩詰所說經加
試法華經金光明經表曰惠亮言皇覺導物且實
且權太士垂迹或王或神故聖王治國必賴神明
之真助神道剪累只憑調御之慧又伏惟金輪陛
下乘六牙而降神遠九歲而登九五受佛付囑轉
大法輪法門餘慶還在千今欵可謂維摩不二之
典感演佛境不思之氣高貴四德之教寬談佛性
常住之旨並斯如來護國利人之門不可一度者
也是以惠亮等以去嘉祥三年八月五日 陛下

在東宮日經啓所願已畢頃年殊垂恩感每降誕
日日度于八年伏冀天慈幸降息勅不改素願永
歲三月下旬於比叡山西塔室幢院將試度之然
後在弘仁十四年官符令受大戒其受戒之後依
先師式十二年不出山門一日不闕長講件經利
益名神奉護聖朝惠亮等師資相承此佛業盡未
來際擁護國家但件人等得業以後僧中諸事准
天台真言等宗一同用之然則開闢以來仙靈覺
性而遊妙覺我朝以後聖王進醍醐而保常樂非

又諸神歲、增威亦乃群生日、長福持茲太善、
集我皇朝伏願長御紫宸大敷玄德壽固群岳恩、
深四瀆次則資薰田邑聖靈四流高謝五智圓、
顯龍天順風雨之期率土樂昇平之化然後暨窮、
三界橫被四生永謝迷津超昇覺道廿九日壬、
子大祓於朱雀門前以心喪禮畢始從常儀也、
九月癸丑朔三日乙卯停御燈索齋以有大嘗、
會四日丙辰分頭遣使奉幣賀茂御祖別雷松、
尾貴布祢訓稻荷等神社止霖雨也五日丁

己充京人散位從五位上高原玉賜姓三原朝臣、
高原一品新田部親王之後也八日庚申山城、
国月讀神木嶋神羽束志神水主神樺井神和岐、
神大和国大和神石上神大神神一言主神片岡、
神廣瀨神龍田神巨勢山口神葛木水分神賀茂、
山口神當麻山口神大坂山口神膽駒山口神石、
村山口神耳成山口神養父山口神都祁山口神、
都祁水分神長谷山口神忍坂山口神宇陀水分、
神飛鳥神飛鳥山口神畝火山口神吉野山口神

吉野水分神丹生川上神河内国枚岡神恩智神
和泉国大鳥神攝津国住吉神大依羅神難波大
社神廣田神生田神長田神新屋神垂水神名次
神等遣使奉幣為風雨祈焉 九日辛酉停重陽
節以先帝忌景近也於右伏頭賜菊酒群臣次侍
從及非侍從堪言詩者外記史內記預焉酣暢之
後賦重陽菊酒詩錄見在坐者奏之後日賜綿有
差此日大風暴雨發屋折木 十日壬戌大板於
朱雀門前為行大嘗會事也依式八月上旬可行

而以諒闇之內延及于今日遣使奉幣於伊勢大
神宮 十四日丙寅地震 十八日庚午大風雷
大接 廿一日癸酉任大嘗會禊裝束及鹵簿次
第等司正三位行中納言源朝臣弘為裝束司長
司從五位上守右少辨兼中宮亮藤原朝臣家宗
為次官左大史正六位上菅野朝臣高松大內記
高階真人菅根並為判官主典二人正三位行中
納言橋朝臣岑繼為前次第司長官中務少輔從
五位下源朝臣包為次官中務大丞正六位上藤

原朝臣善枝式部大丞紀朝臣春常並為判官主
典二人參議正四位下行左兵衛督兼伊勢守源
朝臣多為從次第司長官兵部少輔從五位下源
朝臣直為次官中務少丞正六位下藤原朝臣忠
基兵部少丞正七位下安倍朝臣高貞為判官主
典二人世日壬午雨大被於八省院東廊為太
嘗會也依兩行事故用東廊冬十月癸未朔
日有蝕之ハクシ二日甲申於右伏頭賜飲親王已下
次侍從已上錄見在坐者奏之賜祿有差五日

丁亥卜定恬子內親王為伊勢齋儀子內親王為
賀茂齋ハカモ七日己丑畿內畿外諸國遣使班幣於
天神地祇去九月祈無風雨之災誠有感激歲以
有年仍賽之武藏國從五位下磐井神列於官社
十二日甲午大被於朱雀門前以定伊勢賀茂
齋內親王也十五日丁酉天東南有異雲中有
赤色如電光激是日夜神祇官於羅城門前修祭
事為太嘗會祭故也廿一日癸卯為來月將奉
太嘗會行事鴨水修禊事例也廿三日乙巳尚

侍從三位廣井女王薨廣井者二品長親王之後
也曾祖二世從四位上長田王祖從五位上廣川
王父從五位上雄河王廣井天長八年授從五位
下任尚膳嘉祥三年授從四位上任權典侍仁壽
四年授從三位天安三年轉尚侍薨時八十有餘
廣井少修德操舉動有礼以能歌見稱特善催馬
樂諸大夫及少年及好事者多就而習之至子
殂沒時人悼之廿八日庚戌遣散位從五位上
並山王於伊勢太神宮告以定齊內親王也上野

國獻嘉禾一莖三十穗兩岐稻一莖九穗是日鑄
錢司進鑄錢奉諸名神社并諸山陵及頒賜親王
已下各有差廿九日辛亥晦地震十一月壬
子朔陰陽寮奉進明年御曆等頒曆帝不御前
殿付內侍奏七日戊午授讚岐國正六位上城
山神從五位下大藏少輔從五位下御長真人近
人為參河守九日庚申平野春日神祭如常
十日辛酉極宮神祭如常十二日癸亥地震
十三日甲子大原野神祭如常十四日己丑園

韓西神祭如常 十五日丙寅於神祇官修鎮觀
祭 十六日丁卯車駕幸朝堂院齊殿親奉大嘗
祭 十七日戊辰未鷄鳴大嘗會祭禮既訖 天
皇幸豐樂院御悠紀帳賜宴群臣悠紀國獻物移
御主基帳群臣移就主基座悠紀國奏風俗歌舞
日暮以悠紀國所獻衣被賜親王已下五位已上
諸有雜念及内外官未得解由者皆預是夜
天皇留御豐樂殿後房文武百官侍宿親王已下
參議已上侍御在所琴歌神宴終夜歡樂賜御衣

十八日己巳天皇御悠紀帳賜宴群臣主基國
獻物移御主基帳群臣移座及主基國奏風俗歌
舞賜主基國所獻衣被一如昨儀是夜 天皇留
御親王已下百官侍宿亦如昨 十九日庚午撤
去悠紀主基兩帳 天皇御豐樂殿廣廂宴百官
多諸氏奏舞伴佐伯兩氏久米舞安倍氏吉志
舞內舍人伴舞入夜奏五節並如舊儀宴竟賜給
綿谷有差諸司官人五位已上有雜念及諸國就
事入京并新除外吏過裝束程未向任之輩皆預

之但未得解由者不在預限詔曰

天皇我大命良萬勅大命手諸聞給止宣修紀幸

基命仕奉流二国乃国司等日夜無怠事又務給

利勤加燈仕奉木依天治賜不又仕奉人等中亦其

仕奉狀乃隨治賜人毛在又御意乃愛感亦治賜

人毛一二在故是以冠位上賜治賜波久詔天

皇大命乎衆聞食止宣進右大臣從二位兼行左

近衛大將藤原朝臣良相階加正二位參議從三

位行右衛門督美作守藤原朝臣氏宗正三位

正大弼從四位下茂世王從四位上無位棟良王

從四位下散位從五位下磯江王從五位上無位

久繼王從五位下從四位下行攝津守滋野朝臣

貞雄從四位上民部大輔正五位下豐前王從四

位下內藏頭從五位上兼行神祇大副中臣朝臣

逸志内藥正兼侍從當冬河權介物部朝臣廣泉肥

後守藤原朝臣冬緒紀伊守在原朝臣善淵正五

位下冬河守從五位下御長真人近人散位大中

臣朝臣相雄小野朝臣恒柯美作介大中臣朝臣

真主左馬頭兼行信濃介藤原朝臣秀道備前守
源朝臣頴侍從源朝臣同縫殿頭伴宿祢酒賀雄
右兵衛佐源朝臣至散位和氣朝臣範圖書頭麻
真人清雄權大外記兼上野權介滋野朝臣安成
左衛門權佐藤原朝臣廣基陸奥守兼行常陸權
介坂上大宿祢當道並從五位上外從五位下大
和權介蕃良朝臣豐持參河介壹志宿祢吉野明
法博士讚岐朝臣永直尾張介菅野朝臣弟門陰
陽權助兼陰陽博士滋岳朝臣川人大學助御擬

宿祢佐世散位高橋朝臣文室森呂正六位上源
朝臣撰源朝臣治左衛門大尉藤原朝臣因經攝
朝臣子善藤原朝臣貞庭式部大丞藤原朝臣安
棟右衛門少尉文室朝臣卷雄右兵衛權大尉文
室朝臣能雄散位藤原朝臣岑人禰朝臣忠宗木
工權助笠朝臣弘興大內記高階真人菅棟右近
衛將監兼美作權大掾紀朝臣正守丹波權掾百
濟王俊聰散位笠朝臣高人內藏少允丹墀真人
石臣主殿允車持朝臣廣真並從五位下左大史

正六位上菅野朝臣高松少外記秦宿祢安雄主
計助飛鳥戶造豐宗中宮少進長統朝臣三助左
近衛將監神門臣氏成右近衛將監多臣自然麻
呂參河權掾大原宿祢麻呂美作掾佐伯直豐麻
呂並外從五位下日暮車駕還宮 廿日辛未詔
曰

天皇我大命良萬勅大命乎衆聞給止宣神祇官
人等乎始天大嘗會介參出來天仕奉天悠紀主
基二國乃國司郡司百姓及司之人止番士已上

御物賜布又悠紀主基兩國乃主典與以下國
醫師至及諸郡司主帳上乃把勢者亦位
一階上賜治賜布又悠紀國乃今年庸物主基國
乃今年田租免賜布兩國乃相郡司波特御物
賜波宣神祇伯大副及二國齊部少領已上加
賜馬各一疋授正四位下源朝臣全姬從三位無
位為子女王意子女王異子女王並從四位下從
四位下伴宿祢友子從四位上無位源朝臣盈姬
從四位下從五位上菅原朝臣閑子甘南備真人

伊勢子並正五位下從五位下田口朝臣館子管
原朝臣勢子並從五位上外從五位下賀陽朝臣
始子無位源朝臣高子橘朝臣常子藤原朝臣繼
子藤原朝臣高子藤原朝臣榮善子百濟玉香春
笠朝臣遠子並從五位上從六位上江沼臣河子
從五位下廿三日甲戌大雨雪廿九日庚辰
雪未止廿日辛巳大袂於朱雀門前大嘗祭解
齊也十二月壬午朔十一日壬辰月次祭神
今食祭如常十四日乙未授信濃國無位守達

神從五位下淡路國正六位上湊口神從五位下
十八日巳亥延屈六十僧於東宮限以三日轉讀
大般若經并修佛名懺悔廿一日壬寅正三位
行中納言兼右近衛大將源朝臣定正三位行中
納言源朝臣弘並為大納言右近衛大將如故從
四位上守大藏卿兼行圓幡守清原真人岑成為
參議正五位下守右中辨兼行式部少輔大江朝
臣音人為權左中辨式部少輔如故正五位下行
肥後守藤原朝臣冬緒為右中辨參議正三位行

皇太后宮大夫兼伊豫權守伴宿祢善男為民部
卿餘官如故正五位下行紀伊守在原朝臣善淵
為大和守散位從五位下佐伯宿祢子房為武藏
權介從五位下藤原朝臣貞庭為上總介遠江守
從五位下藤原朝臣真冬為常陸介正三位行權
中納言平朝臣高棟加陸奧出羽按察使參議左
大辨從四位上兼行左近衛中將勘解由長官近
江權守藤原朝臣良繩為備前守左大辨近衛中
將勘解由長官並如故散位從五位下文室真人

益善為紀伊守廿二日癸卯從四位上行攝津
守滋野朝臣貞雄卒貞雄者右京人也父從五位
上家譯延曆十七年改伊蘇志臣賜滋野宿祢弘
仁十四年改宿祢賜朝臣貞雄是家譯之第三子
也身長六尺餘雅有儀貞幼遊大學頗聞詞賦弘
仁七年為主殿少屬累遷掃部權允右衛門少尉
嵯峨天皇徵貞雄延侍恩寵稍密自右衛門少尉
遷掃部助兼左近衛將監天長四年授從五位下
除備前權介承和五年改權為正其年授從五位

上拜少納言兼侍從十二年出為丹波守加正五位下嘉祥三年授從四位下拜但馬權守天安二年為攝津守貞觀元年進從四位上女從五位上岑子文德天皇納之誕二皇子二皇女並賜姓源朝臣貞雄職歷數國殊迹無聞為性仁愛與物無競焉卒時六十五 廿五日丙午伊勢齋恬子內親王於鴨水邊六條坊門末修禊賀茂齋儀子內親王於同水邊待賢門末修禊並入初齋院 廿七日戊申大臣奉 勅於建禮門前行荷前幣之

事太政官論奏言前越後守從五位上伴宿祢龍男令從者公弥侯廣野等毆殺書生物部稻吉前者稻吉向太政官告訴守龍男犯用官物故殺之狀下刑部省令斷龍男罪省稱會恩赦直從放免前豐後守從五位下石川朝臣宗繼克奪百姓財物介外從五位下山口宿祢稻床等證之下刑部省省妄引赦書擅從原免前左馬權少允正六位上清岑朝臣田繼少允從六位上紀朝臣令名少屬正六位上安倍朝臣有之從六位上麻績部清

道史生從六位上田邊史宅主騎士余廣主恩智
貞吉等以私馬撥官馬省亦無所考訊皆以赦免
刑部大丞正六位上藤原朝臣飽永少錄從七位
下秦忌寸秋野前少輔從五位上源朝臣賴大錄
從七位上布瑠宿祿道永等從大丞丹墀貞總言
放出罪人前日向守從五位下嗣岑王謀殺詔使
正五位下田口朝臣房富等須詳加覆案者也
帝特降優詔曰龍男宗繼及左馬寮官人等所犯
年遷時變人物改易飽永等罪成自真總情有可
矜宜申優曲並從原宥但刑部大丞正六位上兼
中判事丹墀真人真總確執非法故縱罪人仍官
當解任嗣岑王依先斬官當免爵 廿日辛亥大
祓於朱雀門前并大難如常儀

日本三代實錄卷第四起貞觀二年正月盡十二

左大臣從二位兼行左近衛大將臣藤原朝臣時平奉勅撰

二年春正月壬子朔 天皇不受歲賀雨也御前

殿賜宴侍臣賜御被カサ所司各奉職奏七耀曆藏冰

厚薄腹赤魚舉音樂並如舊儀于時 天皇御東

宮是日廢朝賀故宴於前殿 四日乙卯所司獻

剛卯杖天皇不御前殿付內侍奏 七日戊午車

駕幸豐樂院觀覽青馬賜宴奏樂賜祿如舊儀

八日己未於大極殿始講最勝王經如常以藥師

寺僧花嚴宗傳燈大法師位明哲為講師
日乙丑大極殿齋講畢僧綱引名僧奉參御在前
論義施被如常 十六日丁卯踏歌之節天皇御
前殿賜宴奏樂踏歌如常儀是日以參議正三位
民部卿兼皇太后宮大夫伊豫權守伴宿禰善男
為中納言民部卿皇太后宮大夫如故從四位上
行伊豫守春澄朝臣善繩為參議散位從五位上
小野朝臣千株為內近頭從五位下行上總介藤
原朝臣貞庭為太藏少輔散位正五位下弘宗王

為左京大夫從五位下行駿河介坂上大宿禰瀧
守為山城介左京大夫從四位下紀朝臣今守為
攝津守圖書頭從五位上當麻真人清雄為伊賀
守外從五位下行音博士上毛野朝臣永世為尾
張介從五位下大內記高階真人菅根為遠江守
外從五位下行侍醫興道宿禰名繼為駿河介侍
鑿如故散位從五位下佐伯宿禰真利為甲斐守
從五位上平朝臣春香為武藏介從五位下和氣
朝臣春生為上總權介從五位下藤原朝臣大野

為介參議正三位行右衛門督源朝臣融為近江守右衛門督如故從五位下守左近衛少將兼行上總權介藤原朝臣良尚為權介少將如故二品行彈正尹賀陽親王為常陸太守彈正尹如故二品行兵部卿忠良親王為上野太守兵部卿如故散位從五位下橘朝臣信蔭為出羽守從五位下豐任朝臣永貞為若狹守從四位上清原真人長田為加賀守從五位下行造酒正伊流宿祢福代為介左京亮從五位下清原真人真貞為越後守散位從五位下藤原朝臣興世為但馬介左近衛少將正五位下良岑朝臣清風為播磨權介少將如故從五位下行備中介朝野朝臣貞吉為守散位從五位下內藏朝臣高守為介從五位下藤原朝臣貞高為讚岐介參議從四位上守大藏卿兼行目幡守清原真人岑成為太宰大貳散位從五位下藤原朝臣真數為少貳右近衛中將從四位下源朝臣興為筑前守興去年正月兼筑前守母憂去職今以本官赴之從五位上行太宰少貳小

野朝臣貞樹為肥後守外從五位下行以外記秦宿祢安雄為豐後介散位從五位下藤原朝臣雄瀧為日向守 十七日戊辰天皇幸豐樂院觀射禮 十八日己巳車駕幸豐樂院觀賭射左右近衛少將侍帝坐東西曹中不如舊儀凡御豐樂殿覽賭射之時左右近衛少將各一人相分昇侍帝高御座東西書諸人射的中不他皆効此 廿一日壬申天皇內宴近臣如常儀凡每年正月廿一日天子內宴於近臣喚文人賦詩預席者不過四

五人內教坊奏女樂親王公卿及文人殿上六位已上賜綿各有差他皆効此 廿七日戊寅詔越前國氣比神宮寺置十僧為定額隨闕補之授遠江國從四位下敬滿神正四位下正五位下近原河內小國神從五位下鹿苑神並授從四位下從五位上矢奈賣神真知乃神並正五位上美作國正五位下仲山神從四位下散位外從五位下大秦公宿祢此雄為出雲介 二月壬午朔 三日甲申春日祭如常 四日乙酉祈年祭如常 五

神名
目光
神荒
係位
神

日丙戌信濃国正六位上馬順氣皆神廳別神妻科地
神無位駒弓神出速神並授武水從五位下
六日丁亥釋奠如常直講從六位下
菊田安雄講毛詩文
人賦詩八日巳丑進肥前国從四位下田嶋神
階加從四位上授從五位上荒係天神正五位下
從五位下豫等比咩大神久治国神天山神志
伎神湓泉神並從五位上正六位上金立神從五
位下
十日辛卯大原野祭如常從五位上行大
學博士春日朝臣雄繼以孝經奉授天皇正五位

上行大學頭豐階真人安人為都講正五位下守
權左中辨兼行式部少輔大枝朝臣音人正五位
下守右中辨藤原朝臣冬緒等預席
十一日壬辰公卿於太政官曹司廳列見文武官成選之人
正五位下良岑朝臣親子從五位下藤原朝臣有
子並進階級加從四位下授從五位下藤原朝臣
宜子正五位下無位水取連夏子從五位下正六
位上和久勝清子外從五位下從三位源朝臣姬
為尚侍
十四日乙未請六十僧於東宮限三箇

日轉讀大般若經散位從五位下正岑王為大監
物從五位下橘朝臣岑範為圖書頭彈正少弼從
五位下平朝臣實雄為式部權少輔二品行彈正
尹兼常陸太守賀陽親主為治部卿常陸太子如
故防葛野河使散位從五位下佐伯宿祢真持為
玄蕃頭散位從五位下藤原朝臣緒數為諸陵頭
從五位上安倍朝臣真行為刑部大輔治部卿正
四位下源朝臣生為大藏卿外從五位下行侍醫
兼駿河介興道宿祢名繼為鑿博士餘官如故散

位外從五位下春道宿祢永藏為造酒正四品行
上總太守本康親王為彈正尹上總太守如故散
位從五位下藤原朝臣安棟為少弼從五位下藤
原朝臣大野為左京亮大監物從五位下安倍朝
臣有道為右京亮正五位下行內藥正兼侍鑿參
河權介物部朝臣廣泉為參河權守內藥正侍鑿
如故散位從五位下和氣朝臣春生為遠江權介
從五位下伴宿祢龍男為上總介鎮守府將軍從
五位下坂上大宿祢高道為權介散位外從五位

下神門臣氏成為下總介從五位上豐井王為但
馬權守左馬頭從五位上清原真人秋雄為介左
馬頭如故散位從五位下藤原朝臣興世為曰幡
守從五位下小野朝臣春枝為鎮守府將軍廿
五日丙午僧正傳燈大法師位真濟率真濟俗姓
紀朝臣左京人也祖正五位下由長父巡察彈正
正六位上御園真濟少年出家學大乘道兼通外
傳夙有職悟從大僧都空海受真言教大師海公
鑒其器量特加提誘遂授兩部大法為傳法阿闍

梨真濟時年二十五時人竒之真濟入愛當護山
高尾峯不出十二年嗟峨天皇聞其苦行為內供
奉十禪師承和之初遣使聘唐真濟奉朝命隨使
渡海中途漂蕩船舶破裂真濟終駕一筏隨波去
泣然不知所到凡在海上廿三日其同乘者三十
十餘人皆悉餓死所活者真濟與弟子真然二人
而已真濟唯是念自然不飢豈非如來冥護之所
致哉南嶋人遙望海中每夜有光恠而尋之極得
着岸皮屑腐爛尸居不動島人憐愍而養療遂得

歸本朝仁明天皇擢為權律師文德天皇甚見尊
重為權少僧都未幾轉權大僧都少頃為僧正於
是真濟抗表請以僧正位讓先師空海中心懇切
至于再三天皇感徹賜空海法師以大僧正位繼
徒榮之真濟表請建五重宝塔於高尾峯神護寺
造五大摩訶藏菩薩像安置塔中置七口僧及度
身分三人春秋二季永設法會轉讀摩訶藏十輪
等經以鎮護國家也守其遺跡至今修之天安二
年八月文德天皇寢病真濟侍看病於冷然院大

漸之夕時論嗽之真濟失志隱居遷化時年六十
一廿廿八日巳酉授備後國正六位上大藏神神
田神並從五位下廿九日庚戌晦雷雨晦合
三月辛亥朔近江國建部神列於官社二日壬
子割阿波國美馬郡置三好郡三日癸丑御燈
齋潔如常七日丁巳詔以武藏國正統穀四百
斛上野國二百斛賜傳燈大法師位圓仁於彼國
應寒宿禰故有此賚廿日庚午從五位上行參
河守御長真人近人為越後守散位從五位上並

山王為紀伊守從五位上行紀伊守文室真人益善為豐前守薩摩國從五位上カシメン開闢神加從四位下從五位下志奈毛神白羽火雷神智賀尾神賀紫火利神麻兒鳥神並授從五位上正六位上伊余色神從五位下 廿五日乙亥時有勅免除太政官厨借大藏省錢七百四十四貫緡六十九疋綿八萬四千三百三十屯絲一千八百斤調布一萬三千六百端商布一萬九千八百二十六段鐵一百廷公卿已下辨大夫已上於左伏頭拜賀無

踏 廿九日己卯迅雷暴雨右京一條三坊地壹町賜從五位上小野朝臣千株從五位下藤原朝臣良繩等 夏四月辛巳朔帝御南殿賜宴侍臣次侍從被召侍右伏下左右近衛府進奏音樂日暮酒酣親王公卿促席御前各奏絲竹笙歌起舞非侍從及外吏五位未得放還并外記史內記六府將監尉以下門部以上預見奏者賜祿各有差參議以上別加賜御衣夜分之後盡歡而罷是日詔以從五位上藤原朝臣廣基從五位下源朝臣

有為次侍從 四日甲申平野廣瀨龍田等祭如
常 五日乙酉梅宮祭如常 六日丙戌殞霜殺
草 八日戊子內殿灌佛如常 詔東大寺大毘盧
遮那佛會事物惣聽修理大佛檢校修行傳燈賢大
法師真如處置 又詔二品治部卿賀陽親王大納
言正三位源朝臣弘正三位行中納言兼民部卿
皇太后宮大夫伴宿祢善男等為當供養大佛會
事 十一日辛卯迴颺起外記候廳前旋轉西行
小虫無萬數飛散其中是日詔准掇承和仁壽藤

跡新錢三萬賜侍從尉 十五日乙未六府整固
緣賀茂祭也 十七日丁酉賀茂祭如常齊內親
王未入野宮故不向社 十八日戊戌諸衛解嚴
十九日己亥詔五畿七道諸國令境內僧尼誦
佛頂尊勝陀羅尼日滿廿一遍每至年終具錄言
上自今以後永為歲事以為國祈也 廿二日壬
寅地震 廿四日甲辰從五位下藤原朝臣禹能
授從四位下無位藤原朝臣度茂子從五位下
廿五日乙巳皇太后遷自右大臣西京第御東五

條宮授從五位上行右近衛權少將兼周防權守
藤原朝臣常行正五位下常行右大臣之第一男
也新鑄印一面賜尾張國廿九日己酉晦設齋
會講仁王經起自京師爰及諸國惣百高座焉咒
願文曰實知玄宗仁王般若大乘滿字護國秘藏
波斯聖王對揚之主無上世尊演說之師文言起
卓理致幽深辨明五忍發揮二諦道濟群品不辜
其功化惣萬流莫知其用防災効福最是昭彰司
契握袞誰不宗重聖皇出震景命惟新漢昭謝明

周成慙德亭毒無私財成不測慈覃鳥獸恩遍遐
荒雲之油油穀之莘莘應物開務洽酌舊章隨時
施教因循故實執徐之年中呂之月講期十日法
會擇辰始自朝廷洎于海內預徹熏糴先禁漁獵
三十五處設席京城六十九所肆筵都外飾茲白
座竟以二時暫近吼說聽者填噎魚山明暢牛檀
香披散花如雨懸幡搖風大哉勝事盛矣善切十
方三寶願有感通一切諸聖願為隨喜護持寶位
泰山之安珍衛仙齡劫名之固玉鏡宣耀金輪穆

化乾坤交泰、家國富饒、梵釋四王、增益威光、龍神八部、加添勢力、天宇棟梁、王室股肱、叶贊困窮、帶礪不渝、中外和平、妖孽不生、俗比結繩、人欽較環、先是二月十六日、任行事司大納言正三位源朝臣弘正三位、行中納言兼民部卿皇太后宮大夫伴宿祢善男參議從三位行左大辨兼左衛門督美作守藤原朝臣氏宗右大辨從四位上兼行左近衛中將備前守藤原朝臣良繩正五位下守權左中辨兼行式部少輔大枝朝臣音人修理東大

寺大佛使長官從五位上守右少辨兼行中宮亮藤原朝臣家宗大外記正六位上多米宿祢弟益正六位上行左少史讚岐朝臣時雄正六位上行右少史志紀宿祢氏經等是也。五月庚戌朔、屈請六十僧於東宮、御在所讀大般若經、限三日訖。

五日甲寅地震、雷電雨雹、帝不御武德殿、停端午之節、駿河國言富士山上五色雲見。十一日庚申、天皇及皇太夫人以米六百斛、塩三十二斛、糴子一千五百枚、積飯四十合、筍飯五百合、裹飯一

萬六千九百六十枚海藻三萬二千三百三十斤
新錢一十二萬五千文施僧尼優婆塞優婆夷及
隱居飢窮之輩二萬九千六百七十四人以助修
淳和太后齊會也先是淳和太后於院裏設齊會
限於五日講法華經是日齊講竟矣 十八日丁
卯地震雷雨雹散位從五位上小野朝臣恒柯來
恒柯者右京人也祖征夷副將軍從五位下永見
父出羽守正五位下瀧雄恒柯少好學頗有文情
尤善草隸兼和二年為少內記兼美作椽大內記

如故八年遷式部大丞十一年授從五位下出為
太宰少貳仁壽三年拜右少辨明年為播磨守治
貴簡要政不開明貞觀元年授從五位上恒柯情
無矯飭舉必任真但性矜夸傲於人物書迹妙冠
絕當時世之習其業者皆取楷模適得尺牘莫不
愛奇素平時年五十二 廿日己巳讀歧國從五
位下雲氣神列於官社 廿三日壬申尾張國人
從六位上高次部高繼復本姓物部屋形 廿六
日乙亥於太政官曹司廳任諸國銓擬郡司是日

請廿僧於東宮比殿修息災法限以三日廿八
日丁丑從四位下童子女王復本名重子授位告
身誤注童子今有投訴因而許之廿九日戊寅
進越中國鷓坂神階加從四位下從五位上日置
神授從五位上六月庚辰朔三日自五月霖
雨至是大水五月甲申散位從五下藤原朝臣秋
緒為大監物從四位下行播磨守在原朝臣行平
為內近頭散位從五位下藤原朝臣廣守為諸陵
頭從五位上文室朝臣笠科為刑部大輔從五位

上攝朝臣伴雄為宮內大輔從五位上守刑部大
輔安倍朝臣貞行為攝津守內近頭從五位上小
野朝臣千株為播磨守九日戊子能登國大穴
持神宿那彥神像石神二前並列於官社十一
日庚寅於神祇官修月次祭帝不御神嘉殿便於
神祇官修神令食祭十四日癸巳攝津四天王
寺上言毘沙門像手持刀及塔形等物擲壇下遣
使者修法謝恠異也前文章得業生正八位下味
酒首大雄加叙三階以對策及第也十五日甲

午授後院無位集神從五位下 十六日乙未分遣使者近京諸寺修轉念功德緣御體乖和也

十七日丙申地震 廿二日辛丑地亦震 廿三

日壬寅皇太后宮職水由九町在美作國英多郡

今相轉勝田郡公田以英多郡地狹田少給民口

分常煩不足故也 廿五日甲辰地震 廿九日

戊申土佐國播多郡地一十町賜施樂院大掖於

朱雀門前如常 秋七月己酉朔 四日壬子廣

瀨龍田祭如常 十日戊午進河內國定三位弥

加布都命神比古佐自布都命神階並加從二位

十四日壬戌地震 十七日乙丑地震 廿一

日己巳大風暴雨 廿四日壬申地震夜有流星

出自東北入於西南光照地 廿五日癸酉請六

十僧於東宮轉讀大般若經限三日訖 八月戊

寅朔 二日己卯越前國正六位上廣湍雄推神

並授從五位下 五日壬午授無位藤原朝臣濟

子從五位上中宮大夫從四位下藤原朝臣良仁

率良仁者贈太政大臣正一位冬嗣朝臣之第七

子也母島田氏從五位下清田之姉美姿儀風神
警亮以遊大學讀書忘疲文德天皇在儲承和十
年徵為藏人俄除主藏正遷為春宮大進十三年
授從五位下轉亮授從五位上嘉祥三年四月文
德天皇踐祚之初加叙正五位下遷中宮亮兼右
兵衛權佐後拜右馬頭中宮亮如故四年授從四
位下累遷兼右近衛中將大舍人頭木工頭左京
大夫遷轉數官猶帶中宮亮天安元年左遷越前
權守遷兵部大輔未幾遷中宮大夫良於天准歸

懷釋教門地高華甚為潔清服飾之美寂寞鮮明
至好唯馬退公之後每為愛玩性至孝奄丁母憂
哀啼哭泣面血絕氣縱時乃蘓不勝悲慟服中病
卒時四十二 六日癸未皇太后自七月晦御體
不豫至此加惱度廿人出家禱平復也 十日丁
亥釋奠外從五位下行助教布瑠宿祢清野講尚
書文章生等賦詩如常 十一日戊子明經博士
等奏請東宮不召御前賜祿而罷 十四日辛卯
參河國獻銅鐸一高三尺四寸徑一尺四寸於渥

美郡村松山中獲之或曰是阿育王之寶鐸也

十五日壬辰任伊勢齋內親王行禊前後次第司

以掃部頭從五位上藤原朝臣貞敏為前次第司

長官式部大丞正六位上紀朝臣良舟為判官大

錄正六位下善道朝臣繼根為主典從五位上行

兵部少輔源朝臣忠為後次第司長官大丞正六

位上藤原朝臣保則為判官大錄從六位下藤原

忌寸_命詮吉為主典廿四日辛丑大袞於建禮門

前為明日伊勢齋內親王將行禊也廿五日壬

寅伊勢齋恬子內親王臨鴨水大修禊事即日入

野宮廿六日癸卯授左近衛少將正五位下兼

行伊豫介藤原朝臣良世從四位下為中宮大夫

正五位下行大和守在原朝臣善淵為內近頭從

四位下行內近頭在原朝臣行平為左京大夫正

五位下守左京大夫弘宗王為大和守彈正少弼

從五位下藤原朝臣安棟為卷河守散位從五位

下藤原朝臣萬枝為相模介右近衛權少將正五

位下兼行周防權守藤原朝臣常行為少將周防

權守如故從五位下行備後權介藤原朝臣山蔭
為右近衛以將備後權介如故 廿七日甲辰文
德天皇因忌始修西寺仍可司廢務夜有流星出
自南方入於西北光照地夜偷兒開神祇官西院
齋戶神殿盜取三所齋戶衣并主上結御魂結等

廿日丁未雨水

九月戊申朔

二日己酉右

京人從八位上中臣朝臣福成賜姓惟岳宿祢還
附右京九條先是福成披訴去齊衡三年中臣氏
人稱非同族中官削籍厥後福成忽意失姓請賜

件姓被貫右京許之

三日庚戌天皇御齋燒燈

如常 七日甲寅地震

九日丙辰停重陽節於

右伏頭賜菊酒群臣次侍從及諸司官人舊為文章生并文章生等被召侍坐錄見在坐者奏之後
日賜大藏省綿各有差 十一日戊午遣大舍人
頭從五位上島江王神祇大祐正六位上大中臣
朝臣豐雄等向伊勢太神宮奉幣例也 十四日
辛酉木風折樹發屋京師百姓戶舍破損者甚多
十五日壬戌風雨未止都城東西河水人馬不

通諸國濱海之地潮水漲溢人畜被害十九日
丙寅詔下野國正三位勳四等二荒神社始置神
主山城國宇治郡荒廢地一町三百三十八步賜
文德天皇皇子源朝臣能有廿日丁卯傳燈滿
位僧三澄奏言神岑山寺在攝津國島下郡三澄
奉為國家所建立也春演說寂勝玉經秋吼講法
華妙典請為御願真言一院賜名忍頂寺詔許之
廿六日癸酉勘解由次官從五從下兼行明法
博士御輔朝臣長道率長道者左京人也元明經

生後學律令號別勅生官給衣食同得業生學殖
漸優奉試及第承和七年為明法博士仁壽三年
叙外從五位下母喪去職後復本官齊衡二年兼
大判事天安二年為勘解由次官餘官如故十一
日授從五位下率時年六十二廿七日甲戌正
三位行中納言兼陸奧出羽按察使平朝臣高棟
奏鎮守府上言邊岳之吏去卿遠遠公廨之外無
復資糧而至者未納抑而不行請准太宰府司公
廨雖有未納以正稅給之永為恒例詔許之冬

十月丁丑朔日有蝕之。二日戊寅天皇御前殿賜飲侍臣如常。三日己卯授豐前國正六位上大富神從五位下安藝國佐伯郡始置主政一員正五位下行典藥正兼侍醫參河權守物部朝臣廣泉來廣泉者左京人也本伊豫國風早郡姓物部首後隸京兆賜姓朝臣廣泉少學醫術多見方書天長四年為醫博士兼典藥允遷為侍醫後累遷伊豫讚岐掾侍醫如故六年春授外從五位下為內藥正侍醫如故十四年授從五位下兼伊豫

掾仁壽四年授從五位上為肥前介內藥正侍醫如故天安二年兼參河權介貞觀元年冬授正五位下轉參河權守內藥正侍醫如故廣泉藥石之道當時獨步齡至老境鬚眉皎白皮膚悅澤躰氣稍強卒時七十六撰攝養要廿卷行於世矣七日癸未地震八日甲申廢大隅國吉多野神二枚緣馬多蕃息害百姓作業也十五日辛卯河內國正四位下飛鳥戶神列於官社大和國平城京中水田五十五町四段二百八十八步施捨

皇紀
神代卷四
神代卷四

不退超昇兩寺。先是傳燈修行賢大法師真如上
表。白件田大同。舊年勅賜上毛野穀。石上內親
王等。彼親王等。偏謂私地捨充功德。而歷代以降
盡被叔公。關諸俗務。理縱宜然。真假之論。義有未
愜。當今慈雲廣覆。慧日更明。凡緣佛事之莊嚴。必
賜息綸。而印可。請特哀許。施入不退超昇等。不破
已靈之宿心。將資聖朝之冥助。勅許之真如者。平
城太上天皇皇子弘仁之廢皇太子也。十六日
壬辰制。哲主之訓。以孝為基。夫子之言。窮性盡理。

即知一卷。孝經十八章。六籍之根源。百王之模
範也。然此間學令。孔鄭二註。為教授正業。啟其學
徒相沿。盛行於世者。安國之注。劉炫之義也。今案
大唐玄宗開元十年。撰御注孝經。作新疏三卷。以
為世傳。鄭注比其所注。餘義理專非。又摯之鄭志。
康成不注。孝經安國之本。梁亂而亡。今之所傳出
自劉炫。事義紛蒼。誦習尤艱。靡厭。戢止。更招疑義。
故玄宗廣酌儒流。深迴眷想。為之訓注。莫闡微言。
即勅學士儒官。會議可否。於是當時有識碩德名

儒咸集廟堂恭尋聖義妙理甚深常情難測同共
嗟伏服請頒傳侍中安陽縣男乾曜等奏曰天文
昭爛洞合幽微望即流行佇光來葉制曰可然則
孔鄭之注並廢於時御注之經獨行於世而唯傳
彼注未讀件經假之通末為允慥鄭孔二注即謂
非真御注一本理當遵行宜自今以後立於學官
教授此經以充試業庶前儒必固之失遵先王至
要之源但去聖久遠學不厭博若猶敦孔注有心
講誦兼聽試用莫令失望 廿一日丁酉屈六十

僧於東宮限三箇日轉讀大般若經 廿五日
又法隆寺牋曰檢案內有功德安居官安居二色
講師功德安居講者上宮太子之本願官安居講者
勝室感神天皇之本願也昔日僧等件二色講至
當其改則為得業而依登美真人藤津解天長二
年以際延喜寺僧為官安居講師介來功德一講
依次充之即為夏講業而太政官去齋衡二年八
月廿二日符備補任諸國講讀師者以五階僧為
講師以三階僧為讀師者有司案此格云所謂夏

講已請延齊寺僧專寺僧等所請功德講是格外
之色不可為夏講業今諸大寺物有其色成五階
業法隆寺既無其色何以立業望請件功德講為
夏講業下知所司以為永例然則先聖本願隆於
萬代傳燈末學紹於億劫從之 廿八日甲辰皇
太后於東五條宮大修齋會講法率經限五日訖
廿九日乙巳山城国宇治郡地廿五町賜左大
臣正二位源朝臣信正三位行中納言橘朝臣岑
純薨岑繼者贈太政大臣正一位清友朝臣孫

右大臣贈從一位氏公朝臣之長子也氏公朝臣
是仁明天皇之外舅岑繼所生是仁明天皇之乳
母故天皇龍潛之日陪於藩邸稍蒙寵幸岑繼身
長亦尺餘腰圍差大為性寬緩少年愚鈍不好不
書天皇見其無才歎曰岑繼也是大臣之孫帝之
外家差有才識公卿之位庶幾可企何其不讀書
之甚哉岑繼竊聞斬惡於心乃改節勵精從師受
學書傳略通音音天長六年為內舍人七年任常
陸少掾遷相模權掾九年正月叙從五位下天皇

登極之初天長十年三月為右近衛少將父氏公
右近衛大將由是遷為左兵衛佐遷左近衛少將
承和三年正月授從五位上兼丹後守六年加正
五位下七年授從四位下拜兵部大輔左近衛少
將丹後守並如故轉中將十一年正月拜參議十
三年為右衛門督兼相模守十四年進從四位上
其年冬十二月母憂解職十五年二月詔奪情以
本官起之嘉祥二年正月授從三位五月拜權中
納言齊衡二年進爵為正三位三年拜中納言並

時五十七 聖十月丁未朔地震 二日戊申分

遣使者賜京師貧窮者錢米以今日享太后宮曆
講畢故也 四日庚戌詔二品行兵部卿忠良親

王聽以私鷹二雞狩五畿內因禁野邊 十二日

戊午太宰府言管豐後國權掾正六位上越智宿
祢廣歲乞骸骨曰廣歲齡及八十筋力衰耗空妨
官職無益公家請罷官飯鄉以待終許之 十六

日壬戌進伊豫國從四位上大山積神階加從
位正六位上伊方神授從五位下 十七日癸亥

授伊豫國從五位上齋神從四位下 廿日丙寅
兩雪錄見在禁中五位以下及諸衛府宿直者賜
綿有差無品同子內親王薨帝不視事三日內親
王者淳和太上天皇之皇女也母池子丹輝氏從
五位上門成之女也 廿三日己巳地震初從四
位下行文章博士兼播磨權守管原朝臣是善正
五位下守權左中辨兼行式部少輔大枝朝臣音
人正五位下右中辨藤原朝臣冬緒從五位上行
大學博士大春日朝臣雄繼從五位下守主計頭

兼行木工助筆博士有宗宿祿益門等曰今年一
章十九年准據先例當有朔且冬至而曆博士真
野麻呂等所上曆自冬至在十一月二日若於經
史有可進退之理乎宜議而奏之是善等議曰謹
案真野麻呂所執以為依日分小餘不足不得合
朔論之曆術理若當然但案曆經注云月行遲疾
曆則有六大六小以日行盈縮增損之云當察
加時早晚隨其所近而進退之使不過六大六小
其正月朔若交加時正見者消息前後一兩月

以定大小令虧在晦者以此言之既有進退之理
而今當年曆八月大九月小十月大閏十月小然
則以一月小月為天自得朔且冬至夫朔且冬至者
曆數之所始帝王之休祥既云避凶而在晦何不
逐言以退朔昔唐太宗貞觀十四年有閏十日即
得朔且冬至太史令傅仁均以癸亥為朔且冬至
而宣義郎李淳風案古曆分日以為甲子宜在朔
且詔下公卿及諸有識於是國子祭酒孔穎達等
十有四人尚書八座請從淳風議有詔可之亦存之雖然

至於後年不見尋耀之愆爰知下日進退未足
妨又尚書百釋云類大消之案其意義每至章節
之歲必欲令得朔且冬至故類置大月至於三四
夫六大六小者曆術之常法况今唯置七大既得
合朔乎又勅從五位下行曆博士兼備後介大春
日朝臣真野麻呂外從五位下行阴阳助兼權阴
阳博士等朝臣名高等曰今諸有識等會議云今
年可置朔且冬至若依此說遂言置朔者於後年
曆得節氣不錯謬歟真野麻呂等奏言謹檢術法

無依言進退之文仍今年不置朔旦冬至依群臣
議置之可無弦望朔之差於是詔從是善等之議
季廿五日辛未宣詔百官及五畿七道諸國云
今年當有朔旦冬至而曆家偏依日分不足置於
二日今就之故實既有改定之理宜改閏小月為
天即以十一月二日丁丑為朔旦冬至是日任同
子內親王裝束山作等司從四位下行越中權守
房世王為裝束司長官治部少輔從五位下安倍
朝臣房上為次官判官二人主典散位從五位下

廣山玉為山作司長官從五位下藤原朝臣大野
為次官判官二人主典二人喪家辭而不受太政
官論奏美濃國惠奈郡人縣萬歲麻呂殺百姓三
人法官斷罪當斬刑詔減死一等處之遠流十
一月丁丑朔旦冬至河內國從五位下豐稻賣神
御祖神子宮神並授正五位下公卿上表賀朔旦
冬至曰臣聞乾坤不宰日月無私逆其道則躔次
自差順其常則禎祥暗叶然則上元之歲天正之
辰合璧和光連珠縹彩歷列辟而稀遭待興王而

合瑞者也謝伏惟皇帝陛下承天之序繼聖之明
生知之德潛通不言之化自遠是以陰陽降祉天
人合應慶雲連理史不絕書瑞鳥嘉禾府無虛月
而今律應北宮漏移南至五星同舍均瑞彩於周
臺兩耀集辰合昌耀於漢祀從九霄以降祥表無
彊之嘉豈不以天地合德日月齊明先天而天不
違後天而奉天時者哉臣等傾心日轡庇影璇圍
顧惟愚蒙竊感顯慶同陳思王之抗表喉祝踐長
異崔亭白之作銘猶欽延祚無任聳抃之至謹詳

表奉賀以聞是日帝御前殿賜飲侍臣但文武官
及校書殿內豎等見直者奏之三日己卯詔參
議正三位行右衛門督源朝臣融賜大和國宇陀
野為臂雁從禽之地八日甲申春日平野祭如
常九日乙酉梅宮祭如常十二日戊子大原
野祭如常十三日己丑園韓兩祭如常十四
日庚寅於宮內省修鎮魂祭如常十五日辛卯
修新嘗祭帝不御神嘉殿親王公卿尚內省行事
十六日壬辰詔曰皇天無親以萬物為芻狗聖

人無心以百姓為耳目是以資生無涯不言之化
克隆樂推不厭無為之業長逸朕以眇之身託
萬民上涉道已淺乘危懷但賴群公卿士盡力宸
翼朕躬廼者公卿奏言今年十一月朔且冬至得
天之紀終而復始連珠映五緯而懸芒合璧疊二
離而擣救維理閔恒等而必感至仁朕之寡德何
鍾斯祥肆思與天下共同休慶自負觀二年十一
月十六日昧爽以前徒罪以下不輪輕重咸從免
除但个扈故殺謀殺強竊二盜私鑄錢常赦所不

免及欠負官物之類不在赦限若以赦前事相告
言者以其罪罪之其門蔭久絕及功才早歿者特
加榮號式暢寵章内外文武官主典已上叙爵一
級在京正六位上諸史及史生以下直丁以上又
天下高年人等宜量賜物度豐鴻需於浹宇谷靈
眷於昊蒼布告遐迩俾知朕意天皇御前慶賜宴
群臣賜文武官爵策命曰天皇我詔旨良萬勅大
命衆諸聞食止宣朔且冬至波歷代天希尔值
三者乃休祥我以不德天今命得值利朕躬

下都宿
祿平麻
呂七字
當作禱
朝臣承

名傳
之謂
麻曰
時為
從五
下神
權大
其後
時五
丹位
事也
書目
卷十
又承
事見
十二
三卷

也乃美此乎嘉親王等諸王等諸臣等百官人也止

天下乃公民今至相賀謝之止所念行便故是

以其仕奉狀乃隨尔上治賜布人毛在氏氏乃中

余治賜布人毛一二在又內外乃諸司乃主典與

以上乃人尔冠乃階上賜布又司乃人也止直丁

尔至善大物賜布又天下高年乃人也止賜物布

又諸徒罪以下乃人也止免也勅大命平衆聞食也止

宣進正四位下行神祇伯卜宿祿平麻呂從四

位上守刑部卿藤原朝臣輔嗣階並加從三位授

議大辨從四位上兼行左近衛中將備前守

藤原朝臣良繩正四位下散位從四位下基棟王

從四位上文章生無位潔世王從四位下大舍人頭

從五位上島江王正五位下無位與我王從五位

從四位上行右兵衛督兼相模守源朝臣勤正

四位下從四位下行文章博士兼播磨權守菅原

朝臣是善無位源朝臣光並從四位上散位正五

位下坂上友宿祿正野大藏大輔兼守左中辨高

階真人峯緒權左中辨兼行式部大輔大枝朝臣

階真人峯緒權左中辨兼行式部大輔大枝朝臣

音人左近衛少將兼行播磨權介良岑朝臣清風
右中辨藤原朝臣冬緒右近衛少將兼行周防權
守藤原朝臣常行並從四位下從五位上守左近
衛權少將兼行少納言侍從播磨介藤原朝臣基
經正五位下散位從五位下常道真人兄守滋野
朝臣善隆主殿頭兼行侍醫當麻真人鴨繼回幡
守藤原朝臣興世太宰少貳藤原朝臣真教神祇
少副中臣朝臣稗守散位藤原朝臣諸葛左近衛
少將兼行近江權介藤原朝臣良尚中務少輔源

朝臣包大膳大夫在原朝臣守平右衛門佐伴宿
祢中庸主計頭兼行筆博士木工助有宗宿祢益
門少納言兼侍從良岑朝臣繼世並從五位上散
位外從五位下味真公御助麻呂春道宿祢永藏
天文博士志斐連春繼主稅頭宿祢繩雄侍
醫兼博士駿河介興道宿祢名繼助教布瑠宿
祢清野無位源朝臣好正六位上源朝臣加內舍
人橘朝臣茂蔭大內記安倍朝臣清行無位平朝
臣朝雄式部少丞藤原朝臣良近木子大兄和氣

朝臣尋範式部大丞紀朝臣春常散位文室真人
耳樂麻呂長部大丞清原真人惟岳左衛門大尉
藤原朝臣利基少尉菅野朝臣宗範散位日濟王
貞忠東藤原朝臣真宗藤原朝臣雄良當麻真人安
方肥前介永原朝臣永岑河内介石川朝臣第庭
宮内大丞大原真人安雄左大史正六位上三善
宿祢清江大外記多米宿祢弟益直講六人部福
真左近衛將監兼土佐權掾肩野連道生木工權
少允志紀縣主貞成皇太后宮大屬河越祐祢吉

式部大錄善道朝臣繼根右近衛將曹從七位下
忠世宿祢真並外從五位下 十七日癸巳風猶
不止多壞人原舍 廿日丙申詔改散事從四位
下源朝臣盈姬告身為從四位上盈姬嵯峨太上
天皇之女也 廿六日壬寅無位源朝臣端姬統
朝臣敦子並從四位上無位藤原朝臣儉子從四
位下從五位上安倍朝臣御井子正五位下無位藤
原朝臣元牙藤原朝臣德子文室真人廣子藤原
朝臣多子藤原朝臣岑子藤原朝臣克子坂本朝

臣氏子並從五位下從七位下葛井連繼乃自春日真繼刑部真鶯無位佐、貴山谷宮子大春日朝臣氏子並外從五位下賜親王以下祿各有差今月一日錄文武官及校書殿內監見直者今日賜祿是日夜風烈雷雨 廿七日癸卯正五位下行內藏頭兼神祇大副中臣朝臣逸志為神祇伯從五位上行神祇少副中臣朝臣稗守為大副散位從五位下高向朝臣公輔為中宮大進從四位下行右近衛少將兼周防權守藤原朝臣常行為

內藏頭餘官如故從五位下行侍整大神朝臣正主為內藥正散位從五位下藤原朝臣正世為大藏少輔從五位上滋野朝臣善蔭為彈正少弼從五位上行美濃權守坂上大宿禰貞守為守從五位上行阴阳頭藤原朝臣三藏為下野守散位從五位上藤原朝臣清瀧為越前守大藏少輔從五位下藤原朝臣貞庭為太宰少貳從五位上行太宰少貳藤原朝臣真敷為肥後守 十二月丙午朔十四日巳酉地震 八日癸丑新修釋奠式領

下七道諸國先是播磨國博士正八位上和述
部臣宅繩東請云謹案本唐開元禮本學國子州
縣各有釋奠式今此間唯有大學式無諸國式所
謂大學式則因修開元禮本學國子之式具載奠
祭之儀明定進退度又云若上可當國忌及祈年
祭改用中丁者如此等事未有施行凡啟諸國相
犯者多或稱太學例用風俗樂或據州縣式停止
音樂唯任人心遂無一定夫尊師之道誠源嚴整
如在之禮豈合參差望請被賜伴式及為永監勅

依之十一日丙辰於神祇官修月次神會食祭
親王公卿參會行事十五日庚申公卿奉勅會
建禮門前遣使者於諸山陵墓獻荷前幣如常廿
日乙丑先是從五位上行大學博士大春朝朝臣
雄繼以御注孝經奉授皇帝今日有事竟授博
士雄繼正五位下御筆書告身以寵之廿一日
丙寅始修佛名懺悔之事如常廿八日癸酉授
正六位上藤原朝臣諸房從五位下廿九日甲
戌從五位下行內膳正大神朝臣庸王卒庸王者

右京人也。自言大三輪大田根子。之後庸主奉
姓神直。成名之後賜姓大神。朝臣幼而俊辨。受學
醫道。針藥之術殆究其奧。承和二年為左近衛。整
師。遷侍醫。十五年授外從五位下。兼參河掾。後遷
兼備後掾。三年授從五位下。貞觀二年拜內藥正
卒。時六十三。庸主性好戲謔。最為滑稽。與人言談
必以對事。嘗出自禁中。向作地黃煎之處。途逢交
人。問云向何處去。庸主答云奉天皇命向地黃處
此其類也。然處治多効。人皆要引療病之工。廣泉
如常。

沒後庸主繼塵太收聲價。永世日乙亥從五位
上源朝臣歸為次侍從。大被於朱雀門前。并大懺

